

18.11.2019.

Porezna uprava Federacije BiH je u proteklom periodu zaprimila značajan broj upita poreznih obveznika iz Federacije BiH koji zapošljavaju radnike sa prebivalištem u Republici Srpskoj (RS), a u vezi pravnog osnova za izricanje prekršajnih sankcija zbog nepodnošenja Mjesečnih prijava poreza po odbitku - Obrazac MOP-1002, prema propisima Republike Srpske.

Shodno navedenom, ukazujemo da je odredbama člana 23. stav 1. Zakona o doprinosima RS („Službeni glasnik RS“ broj 114/17) propisano da su uplatioci doprinosa dužni najkasnije do kraja mjeseca za prethodni mjesec dostaviti obračun doprinosa Poreskoj upravi RS-a. Ovaj obračun uplatioci doprinosa su dužni dostaviti na obrascu MOP- 1002, koji čini sastavni dio Pravilnika o primjeni Zakona o porezu na dohodak.

Prijavu poreza po odbitku poslodavac – rezident Federacije BiH dužan je podnijeti za svog zaposlenika koji ima prebivalište na teritoriji RS.

Pravni osnov za izricanje novčane kazne prekršajnim nalogom je član 14. tačka v) Zakona o poreskom postupku RS kojim je, između ostalog, propisano da poreski obveznik ima pravo i obavezu da podnosi poreske prijave u obliku, na mjestu i u vrijeme koje je propisano zakonom,

Porezna uprava Federacije BiH poziva poslodavce – rezidente Federacije BiH koji zapošljavaju radnike sa prebivalištem u Republici Srpskoj, da shodno navedenim zakonima, podnose propisane porezne prijave i na taj način izbjegnu novčane sankcije koje su propisane Zakonom o poreskom postupku RS i Zakonom o doprinosima RS.

Navedenim zakonima su propisane novčane kazne od 1.000 KM do 3.000 KM, za porezne obveznike pravna lica ili druge subjekte ako ne podnesu poresku prijavu ili ne podnesu poresku prijavu na način i u roku koji je propisan poreskim propisima.

Porezna uprava Federacije Bosne i Hercegovine

